



Bosna i Hercegovina
Federacija Bosne i Hercegovine

OPERATOR ZA
OBNOVLJIVE IZVORE ENERGIJE
I EFIKASNU/UČINKOVITU KOGENERACIJU



Izvještaj

o prikupljenim i utrošenim sredstvima iz naknade za podsticanje proizvodnje privilegovanih proizvođača električne energije u 2021. godini

Mostar, maj 2022. godine

Adresa: Adema Buća 34, 88000 Mostar, Bosna i Hercegovina

T: +387 (0) 36 281030 | **F:** +387 (0) 36 281031

e-mail: kontakt@operatoroieiek.ba | **web:** www.operatoroieiek.ba

Općinski sud u Mostaru - MBS: 58-05-0002-14 | **JIB:** 4227816850001 | **PDV:** 227816850001

UNION Banka d.d. Sarajevo - br. računa: 1020010000018792 | br. računa: 1020010000020053

www.operatoroieiek.ba



Izveštaj

o prikupljenim i utrošenim sredstvima iz naknade za podsticanje proizvodnje privilegovanih proizvođača električne energije u 2021. godini

Uvod

Izveštaj o prikupljenim i utrošenim sredstvima iz naknade za podsticanje proizvodnje privilegovanih proizvođača električne energije u 2021. godini pripremljen je u skladu sa odredbom iz člana 13. stav (1) Uredbe o podsticanju proizvodnje električne energije i efikasne kogeneracije i određivanja naknade za podsticanje („Službene novine Federacije BiH”, broj: 48/14) (u daljnjem tekstu: Uredba).

Odredba iz člana 13. stava (2) Uredbe nalaže dostavljanje detaljnih podataka o svim privilegovanim proizvođačima, postrojenjima i proizvodnji električne energije ovih postrojenja, otkupljenim količinama električne energije od privilegovanog proizvođača, te podatke o ukupno isplaćenim sredstvima za otkupljenu električnu energiju. Svi navedeni podaci dati su u Prilogu 1. ovog izvještaja koji čini njegov sastavni dio.

Odlukom Vlade Federacije Bosne i Hercegovine V. broj 150/2022 od 10.02.2022. godine („Službene novine Federacije BiH”, broj: 7/22) razrješen je dužnosti v.d. direktora Operatora za OIEiEK g. Željko Doleček, a Odlukom Vlade Federacije Bosne i Hercegovine V. broj 110/2022 od 10.02.2022. godine („Službene novine Federacije BiH”, broj: 8/22) imenovan je direktor Operatora za OIEiEK.

S tim u vezi direktor Operatora za OIEiEK ovaj Izveštaj podnosi na osnovu zatečene dokumentacije i na osnovu podataka kojima raspolaže u trenutku podnošenja Izveštaja.

Izveštaj je, sa Odlukom o usvajanju Upravnog odbora, dostavljen Federalnom ministarstvu energije, rudarstva i industrije, koje je svojim aktom, broj: 05-11-1-644/22 od 18.04.2022. godine, dalo primjedbe na dostavljeni Izveštaj.

Postupajući po gore navedenom aktu, Uprava Operator za OIEiEK je izvršila izmjene i dopune Izveštaja, te isti podnosi Upravnom odboru na ponovno usvajanje.



Planirana sredstva

Ukupni iznos sredstava, odnosno potrebni iznos naknade za podsticanje proizvodnje iz obnovljivih izvora energije i efikasne kogeneracije u 2021. godini (NP2021) utvrđen je Odlukom Vlade Federacije Bosne i Hercegovine („Službene novine Federacije BiH“, broj: 22/21) u visini od 27.178.426,00 KM, dok je jedinični iznos naknade za podsticanje proizvodnje električne energije iz obnovljivih izvora energije i efikasne kogeneracije (JN2021) za 2021. godinu utvrđen u visini od 0,005072 KM/kW.

Sredstva prikupljena po osnovu naknade za podsticanje su prihod Operatora za OIEiEK kojima Operator za OIEiEK raspolaže i koristi ih za:

- isplatu podsticajnog dijela iz garantovane cijene za proizvedenu električnu energiju privilegovanih proizvođača,
- pokrivanje/finansiranje troškova rada Operatora za OIEiEK,
- plaćanje/pokrivanje troškova uravnoteženja/balansiranja elektroenergetskog sistema nastalih zbog odstupanja u vrijednostima planirane i proizvedene električne energije iz postrojenja OIEiEK.

Prikupljena sredstva iz naknade za podsticanje

Svi snabdjevači električne energije i krajnji kupci koji električnu energiju nabavljaju od snabdjevača koji imaju sjedište izvan Federacije BiH imaju obavezu da sklope ugovor sa Operatorom za OIEiEK, kojim se detaljno uređuju sva međusobna prava i obaveze, a naročito obaveza fakturisanja i naplate naknade za podsticanje te obaveza uplate iste na račun Operatora za OIEiEK. Navedena obaveza proističe iz člana 3. stavovi (5) i (6) Uredbe. Pomenuti ugovori su, između ostalog, pravna osnova Operatoru za OIEiEK za naplatu prikupljenih naknada za podsticanje.

Tokom 2021. godine, Operator za OIEiEK je naknadu za podsticanje prikupljao od sedam snabdjevača električne energije. U navedenom razdoblju Operator za OIEiEK je, po osnovu prikupljene naknade za poticanje, imao prilive na osnovu izdatih faktura u iznosu 30.139.645,71KM.

Spisak pomenutih snabdjevača, te prikupljena sredstva od naknade za podsticanje data su u Tabeli 1.

Tabela 1. – Prikupljena sredstva

Snabdjevači/kvalifikovan i kupci	Fakturirano (KM)	Naplaćeno (KM)	Indeks
JP EP BiH dd Sarajevo	22.967.359,04	22.967.359,04	100,00%
JP EP HZHB dd Mostar	5.946.521,55	5.946.521,55	100,00%



HEP Trade doo Mostar	127.794,65	127.794,65	100,00%
PETROL BH OIL COMPANY d.o.o. Sarajevo	39.849,52	39.849,52	100,00%
LE TRADING BH	732.716,96	577.305,06	78,79%
B.S.I	190.525,57	190.525,57	100,00%
ERS	290.290,32	290.290,32	100,00%
UKUPNO	30.295.057,61	30.139.645,71	96,97%

Iznos planiranih i prikupljenih sredstava iz naknade u 2021. godini prikazan je u sljedećoj tabeli:
Tabela 2.

Planirana sredstva iz naknade za 2021.	Prikupljena sredstva iz naknade u 2021.	Procenat ostvarenja
(KM)	(KM)	(%)
27.178.426,00	30.139.645,71	110,89

Veći iznos prikupljenih sredstava, 30.139.645,71KM, od Odlukom Vlade Federacije Bosne i Hercegovine („Službene novine Federacije BiH“, broj: 22/21) predviđenih 27.178.426,00 KM mogu se objasniti većom potrošnjom električne energije u odnosu na planiranu potrošnju električne energije, a koja je zasnovana na povećanju industrijske aktivnosti u Federacije BiH nakon rekordno niske potrošnje električne energije u 2020. godini, izazvane pandemijom Covid-19 virusa.

Dug LE TRADING BH d.o.o. Banja Luka

U toku 2021. godine Operator za OIEiEK je imao probleme u prikupljanju naknade od snabdjevača električne energije, ali i naplatu potraživanja za preuzetu električnu energiju.

Snabdjevač LE TRADING BH d.o.o. Banja Luka isporuku električne energije počeo je vršiti od januara/siječnja 2021. godine, od kada se počeo primjenjivati Ugovor o uređenju međusobnih odnosa. U skladu sa ovim Ugovorom dospijeće faktura je do 15. odnosno do 25. tekućeg mjeseca, za prošli mjesec. Već 13.05.2021. godine je Operator za OIEiEK aktivirao prvu mjenicu, pa slijedom i ostale 15.06.2021. godine, 27.08.2021. godine, 27.10.2021. godine i 26.11.2021. godine, jer snabdjevač LE Trading BH d.o.o. Banja Luka svoje ugovorne obaveze prema Operatoru za OIEiEK ne izmiruje u skladu sa Ugovorom.

Na dan 31.12.2021.godine Operator za OIEiEK ima potraživanja od snabdjevača LE Trading BH d.o.o. Banja Luka u iznosu od 155.411,90 KM (odnosi se na obaveze po osnovu ispostavljenih faktura za 8.,9. i 10. mjesec 2021. godine).



Zbog navedenog, kod Općinskog suda u Mostaru podnesena je tužba pod br. 58 0 Ps 256147 22 Ps protiv LE TRADING d.o.o. Banja Luka, radi isplate duga u iznosu od 155.411,90 KM tužba je podnesena u 2022. godini i još uvijek nije zakazano pripremno ročište.

Isplate podsticajnog dijela GC privilegovanim proizvođačima

Privilegovanim proizvođačima, u 2021. godini, Operator za OIEIEK je vršio isplatu podsticajnog dijela garantovane cijene za isporučenu električnu energiju, na osnovu dostavljenih faktura. Zbirni podaci o ovim plaćanjima, izraženi u konvertibilnim markama (KM), razvrstani na distributivnu i prenosnu mrežu, dati su u Tabeli 3.

Tabela 3. – Isplaćena sredstva privilegovanim proizvođačima

2021	Distributivna mreža		Prenosna mreža 110 kV (KM)	Dug proizvođačima iz 2020. godine (KM)	UKUPNO (KM)	Planirano za 2021 (KM)
	JP EP BiH	JP EP HZHB				
	(KM)	(KM)				
UKUPNO	4.492.231,41	10.217.264,68	3.958.053,59	2.562.658,00	21.230.207,68	23.858.738

Troškovi za isplatu podsticajnog dijela garantovane cijene privilegovanim proizvođačima za proizvedenu električnu energiju u 2021. godini su iznosili 18.667.549,68 KM. Pored navedenog iznosa izvršene su i isplate po osnovu zaostalih dugovanja iz 2020. godine, koje su napravljene za vrijeme prethodne Uprave Operatora za OIEIEK, u iznosu od 2.562.658,00 KM.

Na osnovu navedenog ukupno isplaćena sredstva privilegovanim proizvođačima u 2021. godini iznosi 21.230.207,68 KM, što u odnosu na planirano iznosi 88,98%.

Detaljan prikaz isplata privilegovanim proizvođačima za proizvedenu električnu energiju u 2021. godini, dat je u Prilogu 1 koji je sastavni dio ovog Izvještaja.

Troškovi poslovanja Operatora za OIEIEK

Financijskim planom Operatora za 2021. godinu (Broj: 01-1370-4/21 od 30.03.2021.g.), usvojen od strane Upravnog odbora, odlukom broj: 01-370-5/21 od 30.03.2021.g.), na koji je Vlada FBiH dala saglasnost (Odlukom V. broj: 47/21 od 16.06.2021. godine) za pokrivanje svih aktivnosti, koje su planirane Planom rada Operatora za 2021. godinu, predviđen je iznos od 3.497.200,00 KM. Za podmirenje svih troškova administriranja sistema podsticanja proizvodnje električne energije iz OIEIEK u Federaciji BiH u 2021. godini utrošeno je 2.370.791,10 KM.

Troškovi poslovanja Operatora u 2021. godini, dati su sljedećom tabelom



(Tabela 4.)

Opis stavki Budžeta	Ostvareno u 2021.godini (KM)	Planirano 2021. godini (KM)
Utrošak sirovina i materijala	7.043,88	6.000,00
Utrošak energije i goriva	6.256,87	11.000,00
Troškovi javnih nabavki neophodnih za rad i administriranje Operatora za OIEiEK	64.271,88	503.200,00
Nabavka usluga korištenja Softwer za izdavanje, prenos i poništavanje garancija porijekla električne energije, te obuka službenika za korištenje	0,00	38.000,00
Bruto plaće uposlenih	1.400.734,67*	1.240.000,00
Troškovi otpremnine radnika i bivšeg Direktora	17.988,96	50.000,00
Troškovi ostalih primanja, naknada i mat. prava uposlenika	103.486,20	110.000,00
Naknada članovima UO	27.727,25	60.000,00
Troškovi naknade ostalim fizičkim licima	66.684,12**	10.000,00
Troškovi usluga održavanja poslovnih prostorija	5.194,00	8.000,00
Rezervacija troškova za sudske sporove	180.919,29***	1.200.000,00
Troškovi neproizvodnih usluga	300.331,03****	30.000,00
Troškovi reprezentacije	4.971,82	6.000,00
Troškovi platnog prometa	36.358,26	25.000,00
Poštanski i telekomunikacioni troškovi	18.670,06	30.000,00
Troškovi poreza, naknada i taksi	48.995,65	30.000,00
Ostali nematerijalni troškovi	145.429,04*****	10.000,00
Nepredviđeni troškovi	0,00	130.000,00
UKUPNO	2.370.791,10	3.497.200,00

Obrazloženje odstupanja od Plana:

*Prethodna Uprava Operatora za OIEiEK je polovinom 11. mjeseca 2020.godine zaposlila dodatnih 20 radnika na neodređeno vrijeme i 3 na određeno. U planu je bilo predviđeno da će se taj problem riješiti do 3.mjeseca 2021.godine, međutim odluke o otkazu stupile na snagu 31.5.2021.godine, pa se zbog toga stvorio veći trošak bruto plata uposlenih.

**35.000,00 KM se odnosi na isplaćene ugovore o djelu (razlog angažovanja radnika, objašnjen u izvještaju radu Operatora za OIEiEK za 2021. godinu), a ostatak se odnosi na isplate članovima UO, koji su pogrešno knjižene na ovu stavku.

*** Odnosi se na sudske sporove pokrenute prije 15.12.2020. (Prethodna uprava je potpisivala sudske nagodbe za pojedine sporove, a čija naplata je dospjela u 2021. godini.)

****U trošak neproizvodnih usluga je knjižen trošak konsultantskih usluga, tj. Isplata za Teneo d.o.o. koja je izvršena u 2020.godini za vrijeme bivše Uprave, ali je knjižena tek u 2021.godini, u iznosu od 118.000,00 KM, također, u neproizvodne usluge ulaze i advokatske usluge u iznosu od 132.121,94 KM, gdje ulazi i sudska presuda za „Svjetlost“ Doboj-Jug u iznosu od 49.341,47 KM, koja je predviđena u rezervaciji za sudske sporove.

***** U ostale nematerijalne troškove su knjiženi sudski i prateći troškovi u iznosu od 122.790,78 KM, a planirani su u rezervaciji za sudske sporove.



Prilikom izrade Finansijskog plana Operatora za OIEiEK za 2021. godinu, tadašnja Uprava se rukovodila zatečenim stanjem i dokumentacijom kojom je raspolagala, iz razloga što prethodna Uprava nije predala svu potrebnu dokumentaciju.

U toku 2021. godine došlo se do novih saznanja o obavezama Operatora za OIEiEK a koje su stvorene u prethodnom periodu, pa ih je bilo neophodno realizovati, kako ne bi došlo do sudskih sporova. Pored navedenog, neke od planiranih aktivnosti, poput otkaza ugovora o radu radnicima koji nisu predviđeni sistematizacijom radnih mjesta, iz opravdanih razloga nije tekla dinamikom koja je bila planirana, pa su se stvorile dodatne obaveze.

Ukupno isplaćena sredstva od naknade za OIEiEK u 2021. godini

Iz gornjih Tabela vidljivo je da je Operator za OIEiEK sredstva prikupljena od naknade koristio u svrhu isplate poticajnog dijela garantovane cijene privilegovanim proizvođačima, kao i za rad i administriranje Operatora za OIEiEK. Dakle, navedena sredstva korištena su u skladu sa Uredbom.

Sredstva prikupljena od naknade za podsticaj koriste se i za plaćanje/pokriavanje troškova uravnoteženja/balansiranja elektroenergetskog sistema nastalih zbog odstupanja u vrijednostima planirane i proizvedene električne energije, u skladu sa članom 10. stav (2) tačka c) Uredbe.

U izvještajnom periodu rashodi Operatora za OIEiEK po ovom osnovu su iznosili 0,00 KM iz razloga što još uvijek nije usvojen Pravilnik o metodologiji za raspodjelu troškova balansiranja za privilegovane i kvalifikovane proizvođače kao i udio koji će se plaćati sredstvima iz naknada prikupljenih za poticanje.

Na dan 31.12.2020. godine, dug Operatora za OIEiEK prema proizvođačima električne energije, po osnovu naknade za podsticanje iznosi 2.562.658,00 KM. Dugovanja su isplaćena u tijeku 2021. godine.

U skladu sa gore navedenim, ukupno isplaćena sredstva iz naknade za podsticanje prikazana su u sljedećoj Tabeli

Tabela 5.

Sredstva utrošena za isplatu podsticajnog dijela garantovane cijene	Sredstva utrošena za rad i administriranja Operatora za OIEiEK	Sredstva utrošena za isplatu podsticajnog dijela garantovane cijene (dugovanje za 2020.)	U K U P N O utrošena sredstva iz naknade za podsticanje u 2021. godini
(KM)	(KM)	(KM)	(KM)
18.667.549,68	2.370.791,10	2.562.658,00	23.600.998,78



Napomena:


U izvještaju o prikupljenim i utrošenim sredstvima iz naknada za podsticanje proizvodnje privilegovanih proizvođača električne energije u 2021. godini, u obzir su uzimane samo uplate i isplate koje su izvršene u 2021. godini.

Bitno je napomenuti da je ovaj izvještaj napravljen slijedeći odredbe Zakona i Uredbe, odnosno, da je detaljan izvještaj o poslovanju Operatora za OIEiEK dat Finansijskim izvještajima za 2021. godinu.

Također, ističemo da je aktualna Uprava Operatora za OIEiEK imenovana 10.02.2022. godine, te da se ovaj izvještaj podnosi na osnovu zatečenog stanja i dokumentacije kojom Operator za OIEiEK raspolaže.

Broj: 02-503-2/22

Mostar, 12.05.2022. godine




DIREKTOR

Edim Memić